



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU ŽUPANIJSKE NEOVISNE LISTE

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2.PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Županijske neovisne liste za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2019. godinu, utvrđeno je da je Županijska neovisna lista prekršila odredbe člana 4. stav (1), člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Županijske neovisne liste za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2019. godinu, Županijska neovisna lista se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	96,00	19,34
2.	Prilozi fizičkih lica (3-a)	400,00	80,56
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	496,00	99,90
II	Ostali prihodi i drugo	0,50	0,10
	Izvori finansiranja (I+II)	496,50	100,00

U godišnjem finansijskom izvještaju za 2019. godinu stranka je iskazala rashode u iznosu od 5.433,14 KM.

2. PREDSTAVLJANJE POLITIČKE STRANKE

Naziv političke stranke: Županijska neovisna lista. Skraćeni naziv: ŽNL.

Županijska neovisna lista registrovana je kod Općinskog suda u Livnu, rješenjem broj: 068-0-F1-18-000001 od 16.04.2018. godine.

Sjedište političke stranke je u Livnu, Priluka bb.

Lica ovlaštena za zastupanje stranke su Draško Dalić, predsjednik i Draško Brnić, podpredsjednik stranke.

Lice ovlašteno za podnošenje finansijskih izvještaja za 2019. godinu je Draško Dalić.

Prema podacima iz godišnjeg finansijskog izvještaja za 2019. godinu, Županijska neovisna lista nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Županijske neovisne liste za 2019. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Županijske neovisne liste obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu finansijskog izvještaja Županijske neovisne liste za 2018. godinu, nakon kojeg je izdat izvještaj o pregledu sa mišljenjem revizora, nalazima i preporukama stranci da svake godine donosi precizan i jasan program utroška sredstava i da finansijska sredstva osigurana za finansiranje političke stranke koristi isključivo za ostvarivanje ciljeva utvrđenih svojim programom i statutom, da vodi poslovne knjige u skladu sa računovodstvenim propisima, da vodi tačnu evidenciju o svojim prihodima i rashodima i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Županijska neovisna lista nije ispoštovala date preporuke.

5. NALAZI I PREPORUKE

5.1. NALAZI

a) Županijska neovisna lista prekršila je odredbe člana 4. stav (1)¹ Zakona o finansiranju političkih stranaka.

Županijska neovisna lista je dostavila Program utroška sredstava za 2019. godinu u kojem je planirala ukupne troškove u iznosu od 7.120,00 KM. Uvidom u finansijski izvještaj stranke utvrđeno je da je stranka u 2019. godini ostvarila ukupne rashode u iznosu od 5.433,14 KM.

Pregledom finansijskog izvještaja i finansijske dokumentacije, utvrđeno je da je politička stranka sredstva u iznosu od 1.433,50 KM utrošila mimo svog finansijskog plana rashoda, odnosno programa utroška sredstava za 2019. godinu, kako slijedi:

- Stranka je planirala *utrošiti sredstva u nabavku uredskog namještaja i druge opreme* u 2019. godini u iznosu od 2.000,00 KM, a iste je ostvarila u iznosu od 3.321,65 KM, što je za 1.321,65 KM više od planiranog iznosa.
- *Troškove reprezentacije* stranka je planirala u iznosu od 200,00 KM, a iste je ostvarila u iznosu od 311,90 KM, čime je iste prekoračila za iznos od 111,90 KM.
- U planu utroška sredstava stranka nije predvidjela sljedeće troškove: troškove knjigovodstvenih usluga, troškove kancelarijskog materijala, donacije (fizičkim i pravnim) licima, troškove održavanja opreme i ostale nematerijalne troškove.

¹ Finansijska sredstva iz člana 3. stav (1) Zakona o finansiranju političkih stranaka može koristiti isključivo za ostvarivanje ciljeva utvrđenih svojim programom i statutom.

Stranka je u 2019. godini navedene troškove ostvarila u ukupnom iznosu od 1.542,65 KM, i to: troškove knjigovodstvenih usluga u iznosu od 175,50 KM, troškove kancelarijskog materijala u iznosu od 445,75 KM, donacije (fizičkim i pravnim) licima u ukupnom iznosu od 500,00 KM, troškove održavanja opreme u iznosu od 351,40 KM i ostale nematerijalne troškove u iznosu od 70,00 KM.

b) Stranka je prekršila odredbe člana 5. stav (4)² Zakona o finansiranju političkih stranaka.

Županijska neovisna lista u poslovnim knjigama i u godišnjem finansijskom izvještaju nije iskazala nenovčanu donaciju fizičkog lica koju je primila po osnovu besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Uvidom u izjavu Draška Dalića, predsjednika stranke, utvrđeno je da je stranka u periodu od 01.01.-01.05.2019. godine koristila poslovne prostorije bez naknade, čiji je vlasnik navedeno fizičko lice.

c) Županijska neovisna lista prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Županijska neovisna lista nije uspostavila potpune i tačne evidencije o svojim prihodima i rashodima i obrasce godišnjeg finansijskog izvještaja nije popunila u skladu sa Pravilnikom o godišnjim finansijskim izvještajima političkih stranaka (u daljem tekstu: Pravilnik), čime je prekršila odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

U obrascu 3 (izvori finansiranje) i 3-e finansijskog izvještaja (nenovčane donacije i računi koje stranka nije imala obavezu platiti) stranka nije iskazala nenovčanu donaciju fizičkog lica ostvarenu po osnovu korištenja poslovnog prostora bez naknade, čime je prekršila odredbe člana 13. i 18. Pravilnika. Takođe, stranka nije iskazala ni troškove zakupa, koji su nastali besplatnim korištenjem poslovnog prostora, čime je prekršila odredbe člana 21. i 22. Pravilnika.

5.2.PREPORUKE

Preporučuje se Županijskoj neovisnoj listi da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva osigurana za finansiranje političke stranke koristi isključivo za ostvarivanje ciljeva utvrđenih svojim programom i statutom,*
- *da prijavljuje priloge, bez obzira na koji način ih ostvaruje,*
- *da uspostavi potpune evidencije o svojim prihodima i rashodima i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

² Politička stranka dužna je voditi evidenciju o prijemu članarina i dobrovoljnih priloga, te izdavati potvrde o prijemu članarina i dobrovoljnih priloga.

KOMENTAR:

Županijska neovisna lista nije se očitovala na nalaze i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove

Sanja Tošović

Revizor

Veliborka Kenjić

Šef Službe za reviziju

Mr.sc Hasida Gušić